



Châng thlan: *Galatia 3:29.*

ZIRLÂITE TÂN:

Hriat tûr: Eden huana inremna awm thîn kha سوالin a tihchhiat tâk hnua Pathianin a thil siamte inpumkhattîr leh a châkzia an hria ang.

Vei tûr: Inlaichînna chhe tawhte chu tihdam leh a nih a, Pathianin khawvêl siam thar leh tuma ruahmanna a siam a taka a thlen famkim hun tûr chu an nghâkhlel ang.

Tih tûr: Pathianin a hmangaihna lan chhuahtîrtu leh inremna palâi ni tûra a kohna chu an chhâng ang.

THUPI TĤEN

I. Hriat tûr: Sualna leh inpumkhatna

- A Bible-a thil siam chanchin kan hmuhah hian Pathianin inpumkhatna a duhzia chiang taka a lanna eng nge awm?
- B Enga ti nge soal hi inpumkhatna tihchhetu bulpui ber nia sawi theih a nih?
- C Inpumkhatna din thar leh a nih theihna tûra Pathian ruahmanna siamah hian Abrahama khân eng nge pawimawhna a neih?

II. Vei tûr: Inremna chu neih châkin

- A Eng tiangin nge soal hian mi dangte nêna in inlaichîn tawnaah nghawng a lo neih tawh?
- B Eng tiangin nge mi dangte nêna inrem tlâng taka awm ho duhna thilung kan put hi Pathianin khawvêl chhe tawh din thar leh tuma ruahmanna a siam nêna hian a inrem?

III. Tih tûr: Pathian tâna palâi niin

- A Pathianin he leia ama âiawh ni tûra Abrahamana thlahte a thlanna chhan ber chu hmangaihna a ni tih hriatthiam hi eng vângin nge a pawimawh?
- B Pathian mi thlan nihna-in nghawng a neihte chu eng nge?
- C Pathian âiawh rinawm tak i nih theih dân tûr leh, amah leh mi dangte nêna inremna in neih theihna tûra ruahmanna a neih i tawmpui theih dân tûr chu eng nge ni?

KHÂIKHÂWMNA: Khawvêla sual lo lût khân mihringte tâna Pathianin inpumkhatna leh inremna a lo ruahman sa chu a tikhawlo ta vek a. Pathian erawh chuan inpumkhatna an lo hloh tawh an neih lêt leh theih dân kawng ruahmansakna hmangin mihringte a hmangaihzia chu a lantîr a. Siam thar lehna famkim chu Kristâ hnathawh azârah chauh lo thleng tûr a ni tho na chungin, mihringte hi Pathian chuan a hmangaihna leh khawngaihna tilangtu tûra ama âiawh ni tûrin a thlang a ni.

INZIRTÎR DÂN TÛR

RAHBI 1—Chawk phûr rawh

Bible châng thlûr bing tûr: 1 Johana 4:16

Thlarau thanna atâna thu pawimawh: *Pathianin mihringte tâna ruahmanna a neih chu inpumkhatna leh inremna a ni. Krista zâra inpumkhatna famkim a thlen hun tûr chu nghâk mêk tho mah ıla, keini Pathian mite hi Pathian hmangaihna leh khawngaihna târ langtu ni tûra kohte kan ni.*

ZIRTÎRTÛTE TÂN BİK: A sawi hawna atâna thawnthu kan rawn chhawp chhuah hi a tak taka thil thleng a ni a. Mi pakhat thiltihin nghawng tha a neih theih dân ngaihtuah tûrin min sâwm a ni. I class member-te nêna sawi ho ula, he

a thiltihin inlaichinna leh rilru lama nghawng a neih dân chu uar takin tân lan in tum dân nia.

Sawi hawn nân: Pasal nei mai tûr nula pakhat chuan mâwi hnâi taka an inneih program an hman theih nân thla tam tak chhông a lo inbuatsaih lâwk tawh a. A duhtusâm ang ngeia thil a kal theih nân uluk takin ruahmanna a siam lâwk vek a ni. An inneih nî chu a lo thleng ta a, nî chhuak lah chu a mâwiin, an inneih program pawh tuak takin a kal thei a. A hriat loh chhôngin an inneih thutiamte chu lo chham zo hman vek nghe nghe. Amaherawhchu, thil a kal tuang lo tan ta tlat mai. An mi sâwnte zînga pa pakhat chuan thil eng emaw ho tê avângin mi sâwm ve tho pakhat dang chu a hnek ta chawrh chawrh mai a. An bul hnâia thûte chuan thelh an tum a; mahse an thian ve ve-te chuan lo puin an inphêk sual ta chiam mai a. Hlim taka mo lawmna program an hman mêk chu thinrimna leh tharum thawhnain a rawn luahlân ta a ni. Police-te pawh lo thleng thuaiin, inneih program chu a buaiin a chî-rî hle tih an rawn hmu a. Mi sâwm leh paruk an man a, an mante zîngah hian mopa pawh tel ve-in, an inneih zân pawh jailah a hmang ta zâwk a. Chutiang chuan ruahmanna fel fâi tak an siam sa chu ngaihtuahna sêng miah lo mi pakhat thil tihin a tikhawlo zo tak vek mai a ni.

Sawi ho tûrte: Mi pakhat thiltihin inneihnaa kalte inkâra inlaichinnaa nghawng a neih chu eng nge ni? Inneih lawmnaa tel ve mi thenkhat khân remna siam tumin lo thelh ta sela, thil a danglam ang em? Thil eng emaw tih in tum chu ruahmanna fel tak i lo siam lâwk sa vek a; mahse mi pakhat thiltihin i ruahmanna zawng zawng chu a rawn tihchhiat tâk vek tum kha han ngaihtuah lêt teh. Eng tin nge i ngaih? Chu a thiltih chuan amah nêna in inlaichin tawmnaah nghawng a nei zui em? Pathian pawhin mihringte tân ruahmanna tha famkim a siam a; mahse chu a ruahmanna siam chu Evi leh Adama-te

thiltih khân a tichhe ta vek a. Pathian rilru nat dân tûr i hriatthiampui em?

RAHBI 2—Zawng chhuak rawh

ZIRTÏRTÛTE TÂN BÏK: Pathian nihphung leh a nungchang hi inpumkhatna awmzia hriatthiam theihna tûra a lungphûm a ni. A hnuaiâ thupui ðhen hrang hrang kan siamte hi ngun takin chhiar la, hêngte hian Pathian nihphung leh a nungchangin thil hrang hrang 1) a tîra ruahmanna a siam te, 2) thil sual titute nupa a tih zui dân te leh, 3) sual avângâ hloh tawh siam/din thar lehna tûra ruahmanna a siamte kan hriatthiam theih nâna min puih dân hriat tum ang che.

ZIR ZAUNA

I. Hmangaihna leh inpumkhatna lungphûmte (1 Johana 4:7, 8, 16)

Genesis bû hi thil chhia leh ruak vek chu awmze neia a chhuah a, khawvêl leh a chhûnga thil awmte siam chhuaktu Pathian chanchina bulñan a ni a. He Pathian hi—minung pathumte awmna ni tho mah se—pakhat a ni a, a nihphung rêngah pawh inpumkhatna dik tak a pho lang a ni. Tin, Pathian chu hmangaihna lan chhuahna famkim a ni bawk. Chuvâng chuan, Pathian rorêl dân anga awmna hmunah chuan hmangaihna leh inpumkhatna pawh a awm ngei ngei ðhîn a ni.

Pathian hmangaihna leh Pathiana minung pathum awmte inpumkhatzia chu Bible-ina thil siam chanchin a sawina pum puiah hian a lang tuan chhuak zak a. Thil chhia leh ruak ngawt ni ðhîn chu awmze neia a siam añanga a thil siam tinrêng mai chu “ðha a ti êm êm a” tia a puan thleng hian inngeih tlânna kan hmu thei a ni. Chu Pathian hmangaihna leh inpumkhatna chu Pathian anpuia mihringte siam a nihnaah leh, Sabbath chu serh hran a nih tâknaah pawh khân kan hmu chhunzawm leh bawk a. Pathian chuan ni ruk chhûngin lei leh vâna thil awm zawng zawngte hi siamin mihringte awmna tûr hmun pawh a

buatsaih ta bawk a. Chutichuan, hmangaihna nêh Evi leh Adama-te chu siamin, anmahni-ah chuan nunna thâw a thaw lût ta a ni. Mihringte chu amah nêna inlaichînna thûk tak nei tûrin a siam a, a chhan pawh Pa leh Fapa leh Thlarau Thianghlim-te inkâra inhmangaih tawn theuhna awm tawh sa ang chu neihtîr ve a duh vâng a ni. “Amah kan hmangaih theihna tûrin min siam a ni ringawt lo va, ama’n min hmangaih theihna tûr pawhin min siam bawk a ni. A hmangaihna chuan thil siamah hian thilthlâwnpêk a pêk theihthe zînga ropui ber—nunga awm theihna chu a pêktîr a ni.”—*Seventh-day Adventists Believe*, second edition, (Boise, Idaho: Pacific Press® Publishing Association, 2005), p. 83.

Pathianin ama anpuia mihringte a siam hi a thil siamte nêna inlaichînna neih duhtu Siamtu hmangaih thiltih a nih hi chu thu hran ni se, hetiang a tih hian mihringte chu ama nungchang pu ve tûr leh amah chu fak tûra a duh vâng pawh a ni tel bawk a ni. Chuvângin chu inrem tlânna chu Pathianin khawvêl leh a chhûnga thil awmte a siam tirh a tanga khawvêla sualna a luh hmâ thleng khân a lo awm tawh thîn a ni tih kan hre thei.

Ngun takin ngaihtuah teh: Eng tiangin nge hmangaihna leh inpumkhatna hi a inlaichîn tawn? Inremna leh inpumkhata kan neih theihna tûr hian Pathian nungchanga thil dang awm engte hi nge pawimawh?

II. Inremna tihchhiat a ni (*Genesis 3:16–19*)

Kan nu leh pa hmasa berten anmahni duh thu rênga Pathian thu an âwih lohna chuan nghawng râpthlâk tak tak a nei ta a. Sualna chuan he khawvêl hi rawn rûnin Pathianin a lo duan fel sa inremna chu a rawn tichhe ta. Evi leh Adama-ten Pathian nêna inlaichînna an neih thîn mai bâkah, anmahni pahnih inkâra inlaichînna an lo neih thîn pawh chuan ngâi a awm tawh ngâi dâwn lo va. Suala an tlûk hmâ kha chuan Pathian nêh

hmâichhanah an inbe mai ðîn a; mahse tûnah chuan inthiam lohna leh hlauhna a man tawh miao avângin (*Gen. 3:8*) a lak ata birûkna tûr an zawng ta ruai mai a ni. Thil سوال an tih chhanah an inmawhpûh tawn ve ve avângin an pahnih inkâra inlaichînna duhawm tak awm ðîn pawh kha a lo chhe ta a. Hemi hnu hian inîtsîkna, thinrimna leh inhuatna a lo thleng zui leh ta bawk.

Genesis 3:16-ah chuan Pathianin Evi leh Adama-te chu intlûk rêng anga an awm theih tawh loh tûr thu a hrilh tih kan hmu a. Suala an tlûk hma kha chuan an pahnihna hnênah thuneihna pêk an nih ang ngeiin (*Gen. 1:26–28*), thil nung dangte chungah ro an rêl dîn ðîn a nih kha. Suala an tlûk tâk hnu-ah erawh chuan chu an inlungrealna chu a danglam tawh dâwn tih Pathianin a hrilh lâwk ta vek a, Evi chu Adama thuhnuaiah a awm tawh ang.

Ngun takin ngaihtuah teh: Sualin a nghawng chhuah thil ðha lo chi hrang hrang ziaak chhuak la, chûngte chuan mihringte inkâra inlaichînnaah nghawng a neih dân ngaihtuah ang che. Sual chuan Pathian nêna kan inlaichînna leh kan mihringpuite nêna kan inlaichînna a nghawng a ni tih hi chu kan hre tlângpui a; mahse Pathian thil siam dangte nêna kan inlaichînna pawh a nghawng tel tho bawk a ni tih hi chu kan ngaihtuah ngâi vak hlawm lo niin a lang. Eng tiangin nge سوال hian mihringte leh thil siam dangte inlaichîn tawna hi a chhe zâwngin a nghawng?

II. Kan chên tâk chu nei lêl lehîn (*Deuteronomi 7:6–11*)

Chhandamna ruahman hian سوال avânga kan chên tâk inpumkhatna chu Pathianin din thar leh a duhia a tilang a. Chu ruahmanna tihhlawhtlinna kawng khat atân chuan Abrahama kha mipuite/mi tam tak pa ni tûrin Pathianin a thlang ta a, an chheh vêla awm ve hnam dangte hnênah khân a nungchang a târ lang dâwn a ni. Tin, a thlahte hmangin Pathian

chuan leia hnam zawnz zawnz hnênah malsâwmna thlen a tiam bawk (*Gen. 12:3*). He malsâwmna a tiam hian Isua, “Abrahama fapa” (*Mat. 1:1*) kha a kâwk a, ani thihna leh thawhleha chuan Pathian leh mihringte inrem lehna a thlentîr dâwn a ni.

Abrahama khân a rinna leh beiseina chu Pathian thutiamahte a lantîr a. A thiltihte khân kan lakah Pathianin phût a neih vete chu eng nge ni tih min hrilh. Mahse chûngte chu Pathian âiawh ni tûra Abrahama thlahte thlan an nih chhan a ni lo tih erawh hria ila. Abrahama khân Pathian a ring a ni tih a tihlan hma leh, a thuâwiha a fapa Isaaka hlan a tum hma hau khân Pathian chuan a lo thlang tawh zâwk a ni.

Abrahama leh a thlahte thlan an nih chhan zâwk chu Pathian hi hmangaihnaa khat, a thutiamte hlen zêl thîn mi a nih vâng a ni. He thu hian Pathian leh a mite inkâra inlaichînna awm inngahna bul chu tute nge an nih a, eng thil nge an lo tih tawh tih vâng lam ni lovin, amah Pathian nungchang zâwk hi a ni tih a kâwk.

Ngun takin ngaihtuah teh: Pathian chuan Abrahama hnênah khân thil pali a tiam a, chûngte chu: ram, thlah tam tak neih, hming tihropuisak leh hnam zawnz zawnzge tâna malsâwmna nihte a ni. Hêng thutiam hrang hrangte hian eng tiangin nge a thil siamte zînga inpumkhatna a awm leh theihna tûra Pathianin ruahmanna a siam nênzawmna a neih theuh hlawn? Mihringte leh Pathian inkâra inlaichînna awm theih chhan tûr bulpui ber chu Pathian nungchang a ni tih hi eng vângin nge hriatthiam a pawimawh?

RAHBI 3—A taka nunpui tûr

ZIRTÎRTÛTE TÂN BÎK: A hnuaia sawi ho tûr chhawp chhuahte hian Pathian âiawh nihna kawng hrang hrangte chu ngun taka ngaihtuah tûrin min sâwm a. Chutianga tha tâka âiawh kan nihna kan hlen chhuahta

chuan eng tiangin nge kohhranin chanchin tha hril hna a thawhna kawngah nghawng a neih tih pawh in ngaihtuah tel bawk dâwn nia.

Sawi ho tûrte:

- ① Pathian anpuia siam tih hi eng nge ni a awmzia? Hei hian i thiltihahte eng tianga nghawng nei tûr nge a nih?
- ② Pathian chuan kohhran hi ama nungchang târ langtu ni tûrin a ko va. Eng tiang taka thain nge kohhran hian Pathian hmangaihna leh inpumkhatna chu khawvêl hnênah a târ lan?
- ③ Eng tiang kawngtein nge Pathian hmangaihna chu târ lang a, inlungualna neih tûra min duhte hi a taka kan chan tlan theih nân thil i tih ve ang?
- ④ Eng tiangin nge Babel in sâng sak thu khân Pathian pawm tlak inpumkhatna chu eng ang nge tih a târ lan?
- ⑤ He thu, kum 1906 February thlaa Ellen G. White-in a lo ziah hi sawi ho teh u: “Khawvêl hnêna Krista hnathawh kan târ lan theih dân tha ber leh âwihawm ber tûr ni bawk chu inpumkhat tha taka kan awmna hi a ni. . . . Krista nêna inpumkhatna kan neih that dân ang zia zêlin thlarau bo chhandamna kawngah pawh hna kan thawk sâwt ang.”—*Our High Calling*, p. 170.

RAHBI 4—Boruak siam rawh

ZIRTÏRTÛTE TÂN BÏK: Pathian chuan Abrahamana leh a thlahte kha ama hming leh nungchang târ langtu ni tûra a thlang ang bawk khân kohhran pawh hi khawvêla a âiawhte ni tûrin a ko a. A hnuaiia tih tûr chi hrang hrang târ lante hian i class member-te chu an lâwina kohhran leh chênna vêng/khua theuha Pathian âiawh ni tûr leh hmangaihna leh leh inremna thlentu nih châkna thinlung a puttîr dâwn a ni.

A huhova tih tûrte:

- ❶ Pathianin in class member-te kha an chênna vêng/khua ̣heuha ama âiawhtu an nih theih dân kawng ̣ha berte an hriattîr theih nân ̣awngtâi ho rawh u.
- ❷ In vêng/khuua hmun lûn lâi tak pakhatah khân kal khâwm ula, chutah chuan in Sabbath Sikul class member-te khân chumi hmuna chêngte mamawh tak thil eng emaw, an thawh châk êm êm ni si lo thilte (entîr nân, bawlhhlawh chhar, zun in then fâi) thawkin rawngbâwlna nei rawh u.

Mi mala tih tûrte:

- ❶ Kristian thurin lam chhuina (theology) lehkhabu eng emaw ber chhiar la (kan Kohhran thurin hrilhfiahna bu te pawh hi chutiang chu a ni a). Chuta ̣ang chuan theologian-ten Pathian anpui tih awmzia an hrilhfiah dân hrang hrangte hriat tum ang che. Chutichuan, chûng i thil hriat chhuah tharten i nuna nghawng an neih dân chu i ziak chhuak dâwn nia.
- ❷ Mi dangte nêna inlaichînna i neih dân kha a mal malin han ngaihtuah la. Tu nêna in inlaichînna kha nge tiḥthat leh zual deuh ngâi awm le? Chu mi nêna inlaichînna ̣ha zâwk in lo neih theih nân chuan i ̣awngtâi dâwn nia. Chutichuan, chu mi nêna in inlaichînnaah chuan Pathian hmangaihna tihlan theih dân tûr kawng ̣ha zâwk awm nia i hriatte chu i ziak chhuak ang a, chûng zînga pakhat chu tûn kêr lo awm leh tûrah hian ti nghâl ang che.